

## Universitätsbibliothek Paderborn

### **Historiae Ecclesiasticae Pars ...**

HISTORIAE EC||CLESIASTICAE PARS || PRIMA, QVA CONTI-||NENTVR ||  
Eusebij cognomento Pamphili Cæsareæ Palæ-||stinæ Episcopi lib. 10.||  
Eiusdem de vita Constantini magni lib. 4.|| Oratio Constantini magni ad  
sanctoru[m] cœtu[m].|| Oratio eiusdem Eusebij in laudem Constanti-||ni  
magni ad trigesimum ...

**Christopherson, John**

**[Köln], 1569**

De Serapione, & quae eius extant monumentis. Cap. X.

**urn:nbn:de:hbz:466:1-29861**

EVSEBII HISTORIAE

rapiebat ) ut ecclesiæ gubernacula denuo susciperet, vehementer rogatus est. Et cum Narcissus non amplius propter ingrauescentem ætatem ministerio præesse posset, Alexander, de quo suprà locuti sumus, alterius ecclesiæ episcopüs diuina prouidentia per reuelatione, quæ noctu ipsi secundum quietem apparuisset, ut cum Narcisso in ministerio ecclesiæ fungendo coniungetur, accersitus est. Vnde Alexandrum, cum tanquam diuino quodam oraculo ex Cappadocum regione, vbi

*Vide So-*  
*cratē li.*  
*7. fo. 275*  
*a. & fo.*  
*278. a.*  
primum in episcopatus gradu fuisset locatus, Hierosolymam tum voti, tum locorum visendorum causa contenteret, illius ecclesiæ fratres eum excipiunt benignissime, & non amplius domum reuerti permittunt: idque propter aliam reuelationem, ipsis itidem noctu visam: quæ quidem, voce euidentissima profusa, eis, qui erant inter illos ob virtutem spectatissimi, perspicue significauit, vt extra portas ciuitatis egressi, eum episcopum admitterent, qui ipsis à Deo ante designatus erat. Quo ad hunc modum gesto, Hierosolymitani communii episcoporum consensu, qui finitimas ecclesiæ procurabant, necessariò illum apud se manere coegerunt. Idé ipse Alexander in suis epistolis, quas ad Antinoitas scripsit, quæq; adhuc apud nos extant, Narcissi collegæ sui in præfectura ecclesiæ. Hierosolymitanæ gerenda mentionem facit, ista in extrema illa epistola ad verbū scribens. Salutat vos Narcissus, qui hic ante me episcopatus locum occupauit, & centum iam & sedecim annos ptergressus, mecum in eodem ministerio, quorundā præcibus coniunctus fuit: qui obsecrat vos, ut idem mecum, sentiat, eademque sitis voluntate. Atq; hæc isto modo.

*De Serapione, & quæ eius extant monumentis.*

CAP. X.

**E**cclesiæ Antiochenæ, Serapione morte consopito, episcopatum capessit Asclepiades: qui persecutio- nis tempore, ob constantem fidei confessionem multum laudis & gloriæ adeptus est. Cuius in episcopatu m ordinationis, Alexander ad Antiochenos scribēs,

112

ita ferè meminit. Alexander seruus Domini, & vincetus  
Iesu Christi beatæ Antiochenorum ecclesiæ in do-  
mino S. mihi audienti Asclepiadem, virum propter si-  
dei amplitudinem ad ministerium accommodatissimū,  
sanctæ quæ apud vos est, ecclesiæ episcopatum diuina  
prouidentia obtinuisse, Dominus vincula mea, dum in  
carcere conclusus tenebar, mitiora leuioraque reddi-  
dit. Hanc autem epistolam per Clementem se misisse  
significat, in fine illius scribens ad hunc modum. Itas  
literas domini mei fratres, per beatum Clementem pres-  
byterum, virum virtute & probitate eximium, ad vos  
misi: quem & cognoscitis, & melius cognosetis. Qui  
singulari Domini prouidentia, & clementiæ obtutu huc  
aduentas, ecclesiam Christi tum stabiliuit, tum adauxit.  
Quanquam Serapionis in scribendo industriæ & vigi-  
liarum, alia credibile est apud alios conseruata esse mo-  
numenta, sola tamen ea ad nos peruererunt, quæ con-  
tra Doninum quandam, qui persecutionis tempore à si- *Alias Dō*  
de in Christum excidisset, sequē ad Iudaicam supersti- *ninum.*  
tionem transtulisset, scripta fuerunt, & ad Pontium &  
Carinum, ecclesiasticos viros missa: atque certæ quæ-  
dam ad alios epistolæ. Alius est liber ab eo confectus,  
de euangelio, quod secundum Petrum dicitur: quem  
quidem elucubravit, quò ea, quæ in eo erant, falso com-  
memorata, penitus refellerit, idque propter certos fra-  
tres, qui in ecclesia Rossensi illius euangelij simu-  
latione, ad alienas doctrinas, & à fide discrepantes  
se applicuerint: ex quo quidem libro pauca verba, qui-  
bus suam de eo euangelio sententiam exponit, commo-  
de citare non fuerit ab instituto alienum. Nos enim  
fratres, & Petri & aliorum Apostolorum doctrinam re-  
cipimus, sicut & Christi: sed libros quosdam eorum no-  
minibus falso inscriptos, vtpote eius rei satis experti,  
omnino repudiamus: idque pro certo cognoscentes,  
nos eiusmodi non aliquando ab illis accepisse. Ego  
enim cum essem apud vos, putabam certe omnes re-  
cta fidei penitus addictos fuisse. Librum idcirco, qui  
Petri euangelium inscribebatur, mihi ab illis oblatum,  
cum minime perlegisset, equidem dicebam: quòd si,

Q

quia

EVSEBII HISTORIAE

quia hoc euangelium inter vos non legatur , animo & voluntate dissideatis , legatur quidem . Verum cum iam intelligam , illos occasione ex iis , quæ ipse tum dicebam , arrepta , in erroris cuiusdam latebras irrepfis se , ad vos denuo venire naturabo . Quare fratres breui me exspectatote . Nos autem fratres , minime nescij ciusnam erroris & sectæ auctor fuerit Marcianus , & quo pacto , dum ea , quæ loquebatur , non intellexit , sibi ipsi repugnauerit (quæ plane ex his , quæ ad vos scripta sunt , facile disceris ) simul ac à quibusdam , qui hoc ipsum euangelium usurpat , hoc est , ab his , qui ex eo primum suum duxerunt errorem , quos appellamus δόκτορες , id est opinatores (complures enim & variæ sunt eorum disciplinæ , sensus & sententiaz ) sciscitati essemus , poteramus facile animaduertere nonnullas illius euangelij sententias , cum vero rectoque seruatoris verbo consentientes esse , alias autem ab eo diuersas discrepantesque quas hic vestris tanquam oculis ad contemplandum subiecimus . Atque de Serapione hactenus .

*De Clementis operibus & scripturis,  
quas ille commemorat.*

CAP. XI.

**C**lementis omnes octo libri σεωματᾶς , id est , varie contexti , apud nos integri seruantur . quos tali inscriptione donauit . Titi Flavij Clementis commentarij σεωματᾶς , hoc est varia ratione contexti , qui multiplicem veræ ac diuinæ Philosophiæ cognitionem compleantur . Totidem etiam libri sunt ab eo editi , qui ὑποτυθώσεις , id est , informationes inscribuntur : in quibus Pantænū , doctorem & magistrū suum nominatim memorat , cum commentarios eius in sacras literas recensendo , tum traditiones etiam explanando . Est eius liber ad Gentiles hortatorius . Tres item qui inscribuntur , pædagogus . Alius cuius titulus sic habet . Quisnam diues ille sit , qui saluetur . De paschate liber unus . Disputationes de ieiunio . Liber obrectationis . Est præterea liber eius hortatorius ad patientiam . Alius ad

nuper

*Sie Hiero.  
ro. in ca-  
tal.*